

INCVNABVLA

Qu

118


Nat.komp.




Inc. 118

XIV. 4. 41 i









Orationes ecclesiasticæ

Innum. 118

Viana

Martini de Viana. Pra

lio de Christi ad celo

ascensionem habita

An. 1494.

1  
professoris: Capellani  
ratio de xpi ad celos  
no vñt. Ad. eccos. reliq  
Iesus qui assumptus  
apitulo. Noq. mñm  
ta fretus: officium vi  
rem. Pater. Beatissi  
fficile hoc negocium  
imore nō possem. Ad  
no totius orbis terra  
nsu: deq. eius postre  
ad impijs formidolo  
assumptis verbis: no  
nta nobis prebet gau  
ngitatisq. materiam  
s ingenia parua non  
umbunt: Quantoq.  
buitur: qui magnitu  
negocium quod susce  
auxilium: pientissi  
randū duxit: vñt mē  
mus precib. dicendo  
ordinem: et nos ubi  
larimū angustias hu  
entia ordinavit: ut qd  
terat: fides deuota cō  
te nutriet. Cum ergo  
peccati et mortis essen  
z graui debitor: et ip  
edemptio: id est pro  
habebamus vñdē vi  
qz de nostra mortali  
i possit vita pro mor  
aculus tuus ipsa me  
lus iste xps videlicet  
qui cum sustentaret  
demptiois nostre to  
em: se exhibuisse pro  
lum formā serui acce

MEGA

LAGEL

ENSIS

0



Incl 118 (Dist 547)

Cap. 6497 Fr. 5846



1  
Martini de Uiana artium & sacre theologie professoris: Capellani  
R. Car. sancti Georgii sedis apostolice Cam. Oratio de xpi ad celos  
ascensione: habita corā Alex. vi. Pont. Max. Anno dñi. MD. cccc. xliij  
Utri galilei quid statis aspicientes in celū: hic Iesus qui assumptus  
est a vobis in celum: sic veniet. Actuum primo capitulo.

**S**ummo ingenio pariq; eloquentia fretus: officium  
cendi facile me implere posse crederem. Pater Beatissi  
me: tamen tam arduum: tamq; difficile hoc negocium  
aggredi sine magno difficultatis timore nō possem. Ad  
dicerno etenim die in hoc celeberrimo totius orbis terrar  
rum confessu de xpi triumphantis ad celos ascensu: deq; eius postre  
mo iudicio: cunctis quidem futuro admirabili: sed impijs formidolo  
so dicturus sum. Que duo angelicis vocib; in preassumptis verbis: no  
bis insinuari videntur. Quorū alterum incitamenta nobis prebet gau  
diorum: alter vero (si recte sentimus) timoris anxietatisq; materiam  
plurimū affert. Tami grandes profecto materias ingenia parua non  
sufferunt: & in ipso conatu ultra vires ausa succumbunt. Quantoq;  
maius fuerit quod dicendum est: tanto magis obzuetur: qui magnitu  
dinem rerum explicare non potest. Cum igitur negocium quod susce  
pi humanis ac meis impar sit viribus: diuinum auxilium: pientissi  
meq; virginis Marię patrociniū supplex implorandū duxi: vtiq; mi  
hi adsint: positis de more genibus: tacitis adoremus precib; dicendo.  
Aue Maria.

Celestis magnitudo bñficioꝝ. Pont. Max. plurimū angustias hu  
mane mentis excedit: & ppter ea ita diuina pudentia ordinauit: vt qđ  
rerum mole deuicta humana ratio capere nō poterat: fides deuota cō  
ciperet: & intellectum pura ac simplici credulitate nutrirēt. Cum ergo  
propter trāsgressionem Ade macule originalis peccati & morti essent  
obnoxij: prospiciens ex alto deus ex quo essentius graui debitor es: iux  
ta qualitatē captiuitatis: & parauit munus redemptiōis: id est pro  
debita morte offerret indebitā. Quia neq; nos habebamus vnde vi  
ueremus: nec ipse vnde noveretur. Materiam itaq; de nostra mortali  
tate suscepit: vt de sua immortalitate collata: mori possit vita pro mor  
tuis. Unde propheta clamat: Virga tua & baculus tuus ipsa me  
consolata sunt. Virga mater est dñi: ex qua baculus iste xps videlicet  
redemptor: noster: fessio iam per etatem mundo: qui eum sustentaret  
erige. Illum in virginis uterum delapsū (vt redemptiōis nostre to  
tam historiam reteramus) partu effectū hominem: se exhibuisse pro  
homine: & creaturā suam se de creatore fecisse: illum formā serui acce

BIBLIOTHECA  
VNIV.  CRACOVENSIS

Ine. Qu 118

Bibl. Jag.



12  
pisse: sese et inanis se potestatis voluntate non natura deitatis: per quam  
non poterat non esse quod fuerat: illum maledicta pro salutaribus me-  
ruisse miraculis: illum spura: illum palmas: illum coronam spineam: il-  
lum postremo crucem fuisse perpassum: illum inferna penetrasse: illum  
tertia die resurrexisse in id corpus quod cruci fuerat affixum: illum ho-  
minem post mortem deum vinum celum: hodierna die petisse victo-  
rem: nemo est (nisi insane sit mentis) qui nesciat. De hac igitur domini  
fieri Jesu Christi ad celos ascensione (que ut deuotissimum inquit Bernardus  
dus) est felix clausura: et totius itinerarii filij dei consummatio glorio-  
sa) verba facturum: non docet Aristotelis argumenta: conquirere: nec ex  
flumine Tulliano eloquentie ducendus est riuulus: nec aures Quin-  
tiliani flosculis: et scholari declamatione mulcende: pedestris et quæti-  
liane similis: et nullam lucubrationem redolens oratio necessaria est:  
que rem explicet: sensum edisserat: obscura manifestet: non que verborum  
compositione frondeat. Sunt alij discreti: laudentur ut volunt: in  
flatis: buccis spumantia verba trutinant: mihi sufficit sic loqui ut in-  
telligat: et ut de scripturis: loquens et disputans scripturarum: imitetur  
simplicitatem. Consummatis itaque his que ad humani generis salu-  
tem in terra geriebantur: mandataque discipulis sui nominis per vni-  
uersam orbem predicatione: infernique captiuitate: renocata: ad celos  
hodie Christus memoratur ascendere. Qui quidem dies adeo: sanctus et se-  
lis: ubi terrarum illuxit ut diuina prophetarum peccata hunc ipsum alij  
quando venturum multo ante prescriberunt. Hoc enim est quod propheta  
predicit: Ascendens in altum captiuam duxit captiuitatem: de-  
dit dona hominibus. Illa scilicet dona que Christus in Actibus apostolo-  
rum de sancto spiritu dicebat. Exaltatus igitur in dextera dei effudit  
hoc donum quod vos videtis et auditis. Donum ergo spiritus sancti de-  
dit hominibus: quia captiuitatem quam prius diabolus per peccatum  
deduxerat in infernum: Christus hodie renocauit ad celos. Idcirco præsigna-  
tus est dies cum Hieremias vidit leonem ascendentem de cubili suo:  
et predonem gentium se leuantem. Hunc diem veluti presentem: ha-  
bebat ante oculos Daniel cum cecinit: Ecce in nubibus: celi filius ho-  
minis veniebat: et usque ad vetustum diem peruenit. Et princeps ille  
prophetarum David ita vaticinatur: Ascendit super cherubin: vola-  
uit super pennas ventorum. Et alibi: Ascendit deus in iubilacione: et  
dominus in voce tubæ. In voce etenim tubæ mos est victorem gloriosum re-  
dire de prelio. Ascendit ergo victor ac triumphator noster Christus Jesus  
hodie ad celos: non ubi verbum deus ante non fuerat: quippe qui erat  
semper in celis et manebat in patre: sed ubi verbum caro factum ante  
non sederat. Unde quoniam iste celi aditus nouus virtutibus celestibus



videbat: videntes naturam carnis secreta celorum penetrantem: dicunt  
 adinuicem (vt idem propheta spiritu sancto plenus inquit) Attollite por-  
 tas principes vestras et eleuamini porte eternales et introibit rex glo-  
 rie: Quis est iste rex glorie? dominus fortis et potens: dominus potens in prelio.  
 Que vtiq; vox non propter diuinitatis potentiam: sed propter nonita-  
 tem carnis ad dei dexteram ascendens ferebat. Hoc enim illud est  
 quod ille Aquilinus Iohannes in Apoc. vidit cum ait: Vidi et audiui vo-  
 cem angelorum multorum in circuitu throni et animalium et seniorum  
 et erat numerus eorum milia milium dicentium voce magna: dignus  
 est agnus qui occisus est accipere virtutem et diuinitatem sapientiam  
 fortitudinem honorem gloriam et benedictionem et omnem creaturam  
 que in celo est et super terram et subter terram et mare et que in eo sunt  
 omnes audiui dicentes sedenti in throno et agno: benedictio et honor et glo-  
 ria et potestas in secula seculorum: Sed plurimum superuacaneum fo-  
 re arbitror: Patres amplissimi hoc in loco inuestigare: vtrum conue-  
 niens fuerit quadragesimo post resurrectione die christum ad celos ascen-  
 dere: et finem quam naturam ascensio sibi conueniat: et an propria ascen-  
 derit virtute: et cum ascensio quidam sit motus: an fuerit naturalis vel  
 violentus: et an successus in tempore: spatiumq; descriptum: an muta-  
 tio penitus momentanea: et vtrum omnes celos corporcos omnes spiri-  
 rituales creaturas transcendit: et quod plurima alia subtilissima cogni-  
 tioeq; dignissimaque inter viros scolasticos disceptari solent: suntq;  
 a nobis Parisius et alibi frequentius disputata. Sat nobis in presen-  
 tia erit: humane nature quam per christi ad celos ascensionem adeptus  
 est dignitatem: attente considerare. Quid enim maius per deum nos-  
 bis conferri potuit: quam quod celestibus et equati dignitate sumus? Idem  
 (vt Aug. ita sententia) super excelsa mundi terrenum corpus hodie  
 imponitur: et ossa intra sepulchri angustias paulo ante conclusa: ceti-  
 bus angelorum inferuntur: et in gremium immortalitatis: mortali  
 natura transfunditur. O nullis antea seculis audiam: humani ge-  
 neris dignitatem: O admirabile diuine misterium clementie: quo ere-  
 xit ex terra inopem: et ex stercore eleuauit pauperem. Quo interclu-  
 sum ab Adam: nobis iter ad celum Christus aperuit. Quo patrum  
 nostrorum aie et tenebris in lucem euocauit. Quo fuso fugatoq; humani  
 generis hoste: victor ac triumphator: in patriam reuersus est. Itaq; vti  
 saluatoris nostri laboribus finem hodiernus dies attulit: ita inuicem  
 beatitudinis humane confirmant. Quicquid ergo effectus christi antequam  
 pateretur (vt beatus Leo docet) ad demonstrandam suscepit homi-  
 nis pertinuit veritatem: Post passionem vero ruptis vinculis  
 et exauditis illis etiam omnibus angelis: angelis multibusq; humo et  
 humum probato: et cum haec inuicem innotuit: et hoc male innotuit



4  
moris: infirmitas in virtutem: mortalitas in immortalitatem: contumelia transit in gloriam. Contemplemur igitur hodie purgatissimis animis quantum humano generi Christus contulerit. Et si nos illius extremi iudicii (de quo pauca dicturi sumus) nullus horror mouet: si nullus eternae mortis paucor excitat: saltem mouere nos debeat et allicere sensus nostror: vite illius cupido sempiternae: ut Christus duce tales euadamus: ut ad templum illud eternitatis ascendentes hodie saluatorem nostrum: sequi aliquando mereamur. Sed qua via quouere itinere Christi hodie ad celos ascendentem sequi debeamus: paulisper aduertite queso. Duas certe conuersationis vias et distincta in diuersum itinera viuendi Saluator in euangelio ostendit: Quam inquit spaciola via que ducit ad mortem: et multi sunt qui intrant per eam. Et rursum: Quam arcta via et angusta est que ducit ad vitam: et pauci sunt qui inueniunt eam. Unde quanta inter has vias separatio sit: quantumque discriminem: illa ad mortem: hec tendit ad vitam. Illa celebratur et teritur a multis: hec vix inuenitur a paucis. Illa enim vitis per consuetudinem quasi decliuor ac mollior: et veluti quibusdam amena floribus voluptatum: facile ad se rapit conuectum multitudinem: Nec vero insueto calle virtutum tristior atque horridior: ab his tamen eligitur: quibus non tam delectatio itineris cordi est: quam utilitas mansionis. Aspera enim nobis et insuauem virtutum viam nimia effecit consuetudo vitiorum: que si in partem alteram transierit: inuenies sicut scriptura dicit semitam iusticie lenem. Quodnamus ergo iam rationem vite nostre et per quam potissimum post Saluatorem nostrum gradiamur viam: conscientia teste discamus. Omne enim quod agimus: omne quod loquimur aut de lata aut de angusta via est. Si cum paucis angustum iter et subilem quandam semitam inuenimus ad vitam tendimus. Si vero multorum comitamur viam: semper dominum sententiam inuis ad mortem. Si ergo odio atque inuidia possidemur: si cupiditati et auaricie credimus: si voluptati atque luxurie operam damus si presentia comoda futuris preferimus: per spaciosam viam post reuerentem principem ad infernum descendimus. Habemus ad hoc commitem multitudinem: et late simulum stipamur agminibus. Si iracundiam libidinemque implere volumus: si iniuriam vindicare: si maledicenti maledicimus: et aduersum inimicum inimico animo sumus: eque cum pluribus ferimur. Si vel adulamur ipsi: vel adulantem libenter audimus: si vero gratiam impendimus: et magis offendere animos hominum timemus quam non ex animo loqui: de multorum item via sumus. Tot nostri sunt socii quot a veritate extranei. Et econtra si ab omnibus vitis sumus alieni: si purum ac liberum animum presentamus et omni cupiditate calcata: solis studemus diuites esse virtutibus: per angustam viam post Saluatorem nostrum ad celos ascendere nitimur.



Conuersatio enim nostra paucorum est. Sed o bone deus! quod pererrari  
atque difficile est: hac nostra tempestate presertim: idoneos huius iti-  
neris comites reperire: quin etiam multi hac ire via se simulant: et per di-  
uersa erro: diuerticula: ad viam multitudinis reuertuntur. Ideoque val-  
de timendum est: ne quos duces huius itineris habere nos credimus:  
eos comites habeamus erroris. Si igitur inueniantur exempla: que nos  
per hanc angustam viam ducant ad vitam: et rectum euangelij trami-  
tem teneant: sequenda sunt. Clamat vas electionis Paulus: nosque  
quali ad angustum hoc iter conuocans: cum inquit: Imitatores mei esto-  
te: sicut et ego christi. Et christus in euangelio: Venite ad me omnes qui labo-  
ratis et onerati estis: et ego reficiam vos. Ego sum via veritas et vita.  
Nunquam enim errat: qui sequitur veritatem. Cum Johannes ait qui dicit  
se in christo manere debet sicut ille ambulabat et ipse ambulare. Hec imi-  
tandi nobis sunt illi: qui sub christiano nomine gentilem vitam agunt: et alii  
ad professionem: aliud conuersatione testantur: atque ut Apostolus ait: deus  
confitentur se nosse: factis autem negant. Inter christianum et gentilem  
non fides tantum debet: sed etiam vita distinguere: et diuersam religionem  
per diuersa opera monstrare. Nolite ait Apostolus iugum ducere cum in-  
fidelibus. Que enim participatio iustitie cum iniquitate? aut que so-  
cietas lucis ad tenebras? que autem conuentio christi ad belial? Sit ergo  
inter vos et illos maxima separatio: distinguant certo discrimine er-  
ror et veritas. Illi terrena sapiant qui celestia promissa non habent.  
Illi huic breui vite se totos implicant qui eterna nesciunt. Illi pecca-  
re non metuant qui peccatorum impunitatem putant. Illi seruiant vitis  
qui non sperant futura premia virtutum. Hos vero qui purissima con-  
fitemur fide: omnem hominem manifestandum esse ante tribunal christi:  
ut recipiat unusquisque propria corporis sui prout gessit: siue bonum: siue  
malum: procul debemus esse a vitis dicente Apostolo: Qui enim sunt christi  
carnem suam crucifixerunt cum vitis et concupiscentiis suis. Si ergo re-  
cte: si fideliter: si sancte: si pie ascensionem domini celebramus? et cum illo ad  
celos ascendere de-deramus: sursum oculos mentis et corda habeamus?  
ibi que nostra firma sint corda ubi vera sunt gaudia: ut cum Apostolis ascensio-  
nem domini nostri Iesu christi hodierna die videntibus: digne audire merea-  
mur: Viri galilei etc. Hactenus de christi ad celos ascensione pro angustia  
christi satis: reliquum est ut de eius ad iudicium aduentu qui in preas-  
sumptis verbis nobis insinuat pauca (sed valde utilia) perstringamus.  
De aduentu domini nostri Iesu christi ad futurum iudicium pauca dicitur.  
Pater Beatus cumque assertur? aduersus impios et incredulos: tanquam in  
edificij fundamento: testimonia diuina ponenda sunt: si prius de quo  
iudicio loqui intelligam expressero. Sunt namque plura dei iudicia: quia  
et nunc iudicat: et ab humani generis initio iudicauit: dimittens de pa-

radisfor: a ligno vite separas primos homines diuine legis transgres-  
sores: imo etiam qñ angelis peccantibus nō peperat: procul dubio iu-  
dicant. Nec sine illius alto iustoz iudicio ⁊ in hoc acreo celo: ⁊ in ter-  
ris ⁊ demonū ⁊ hominum miserrima vita est: errorz crummarūq; ple-  
nissima. Quinetiam homines quandoq; aperte: plerūq; occulte luunt  
pro suis factis diuinitus penas: siue in hac vita siue post mortem. Nō  
igitur de illis primis: nec de istis medijs dei iudicijs: sed de illo nouissi-  
mo dicere intendo: quando redemptor noster xps Iesus in maiestate  
magna ⁊ virtute venturus est viuos ⁊ mortuos iudicare. Hunc diui-  
ni iudicij vltimū diem dicimus: ⁊ aliquando dies domini nuncupat:  
vbi cuncta dei iudicia apparebūt esse iustissima. Nunc vero tam mul-  
ta tāq; varia: ac pene omnia dei iudicia latent sensus mortalesq; men-  
tes: ⁊ indies magis atq; magis inscrutabilia fiunt dei iudicia: ⁊ inue-  
stigabiles vie eius. Nam (vt diuus inquit Aug.) nescimus enim quo  
dei iudicio bonus ille sit pauper: malus ille sit diues. iste gaudeat quē  
pro suis perditis moribus cruciari debuisse arbitramur: contristetur  
quem vita laudabilis gaudere debuisse psuadet. Et erat de iudicio non  
solum multus: vix etiam damnatus innocens: aut iniquitate iudicis  
prellus: aut fallis obrutus testimonijs. Contrario sceleratus aduersa-  
rius eius nō solum impunitus: vix etiam vindicandus insulcet. im-  
pius optime valeat: pius languore tabescat. latrocinentur sanctissimi iu-  
venes: ⁊ qui nec verbo quenq; ledere potuerunt: diuersa morboz atro-  
citate affligantur. Infantes viles rebus humanis: imatura morte ra-  
pantur: ⁊ qui videntur nec nasci debuisse: diuersissime insuper viuunt.  
Plenus flagitijs ⁊ sceleribus sublimet honoribz: ⁊ hominē sine que-  
rela: tenebre ignobilitatis abscondant. Et cetera huiusmodi que nescimus  
quo iudicio deus ista vel faciat vel fieri sinat: apud quem summa vir-  
tus est ⁊ summa sapientia: summaq; iustitia: nulla infirmitas: nulla  
temeritas: nulla iniquitas. Verū enimvero cū ad illud iudiciū dei ve-  
nerimus (cuius tempus iam prope est) nō solū quęcūq; tunc iudica-  
bunt: vix etiā quęcūq; ab initio iudicata: ⁊ quęcūq; vsq; ad illud tps  
adhuc iudicanda sunt: luce clarius apparebunt esse iustissima: eo qd  
nullus ibi imperite erit querele locus: cur iniustus ille sit felix: ⁊ cur in-  
stus ille infelix. oīum nāq; tunc nō nisi bonoz plena ⁊ vera felicitas:  
⁊ oīum nō nisi maloz digna ⁊ summa infelicitas apparebit. De hoc  
equissimo iustissimoq; iudicio saluato: ipse cum obiurgaret ciuitates  
in quibus magnas virtutes fecerat neq; crediderant ⁊ eis alienige-  
nas anteponeret. Verū inquit dico vobis: Tyro ⁊ sydoni remissus  
erit in die iudicij qd vobis. Et paulo post alteri ciuitati: Amen dico vo-  
bis quia terre Sodomorum remissus erit in die iudicij qd tibi. Et alio  
loco: Viri inquit Minuite surgent in iudicio cum generatione ista et



condemnabunt eam: quia penitentiam fecerunt in predicatione sone.  
et ecce plusq̃ Jona hic: Regina austri surget in iudicio cum generatio  
ne ista et condemnabit eam. Rursus alio loco cum de malorum ho-  
minum et bonorum nunc permixtione: postea separatione (que utiq̃  
die iudicii futura est) loqueretur: sic inquit: Erit in consummatione se-  
culi: mittet filius hominis angelos suos: et colliget de regno suo omnia  
scandala: et eos qui faciunt iniquitatem: et mittet eos in camini ignis  
ibi erit fletus et stridor dentium: tunc iusti fulgebunt sicut sol in re-  
gno patris eorum: qui habet aures audiendi audiat. Et discipulis suis:  
Amen inquit dico vobis q̃ vos qui secuti estis me: in regeneratione cu  
sederit filius hominis in sede maiestatis sue sedebitis et vos super se-  
des duodecim: iudicantes duodecim tribus Israel. Multa pretereo ta  
nou q̃ veteris testamenti de ultimo iudicio testimonia: breuitati enim  
studens plura coacervare non possum. Illud tamen pretermittendū  
non est quod xps in euangelio ait: Cum venerit filius hominis in se-  
de maiestatis sue et omnes angeli cum eo: et congregabuntur ante eus  
omnes gentes: et separabit eos ad invicem sicut pastor segregat oves  
ab hedis: et statuet quidem oves a dextris suis: hedos autem a sini-  
stris: tunc dicet his qui a dextris eius erunt: Venite benedicti patris  
mei possidete paratum vobis regnum a constitutione mundi. His au-  
tem qui a sinistris eius erunt dicet: Discedite a me maledicti in ignem  
eternum qui paratus est diabolo et angelis eius. O vox iustis suavissi-  
ma: iniustisq̃ tremenda. O sententia pijs optabilis: impijsq̃ horren-  
da. Unde vereor: patres amplissimi ne forte in illa retributionis die:  
qua ante tribunal xpi unicuiq̃ secundum sua facta reddendum est:  
his qui in terrenis magis negocijs q̃ in celestibus laborarunt: iusti iu-  
dicii responsione dicatur: Ite si potestis: et illic ubi tota devotione ser-  
vivistis: mercedem vestre servitutis erigite. Talis cā est virginum de  
euangelio quinq̃ stultarum: que dum solitudine secularium va-  
nitatum: se contra professionis sue ordinem occuparunt: oleum vnde  
verum lumen accenderent non habentes: in tenebris remanserunt.  
Quid igitur facient in illa die miseri peccatores: q̃ reuoluto celo cum  
angelicis virtutibus igneus dominus totus adveniet? Quando caden-  
tibus desuper stellis sol in tenebras et in sanguinem luna mutabit?  
Quā montes sicut cera liquefient: quando terra ardebit et ardescent flu-  
mina et maria siccabuntur. et contra rerum naturas consumpto vi-  
vinitus humore: ariditatem in aquis: ignis operabitur? Quando pec-  
catores dicent montibus: Cadite super nos: et collibus: tegite nos? Quā  
vocabunt homines mortem: et vocata non veniet? Quando discrimi-  
na vertentur in vota: et quod semper ederunt homines concupiscant?

Quando illud implebitur: quod Iugubai Hieremias explicat affectu  
dicens: Respeti terram: et ecce non erant luminaria: Vidi montes: et  
ecce erant tremantes: et vniuersos colles turbati: intendi acie: et ecce nō  
erat homo: et omnes volucres celi pauebant: vidi et ecce carmelus de-  
sertus: et omnes ciuitates succense igitur a facie domini et a facie ire in-  
dignationis eius: et interierunt vniuersa. Quid ergo tunc facient qui  
nunc in honorib<sup>9</sup> gloriatur: qui per terribiles prefecturas et fasces et  
eternas vt ipsi existimant dignitates: deo se comparare nitunt<sup>r</sup>: rapi-  
na nō natura: Describunt sine dubio (mibi credite) peribūt inquā in  
illa die omnes cogitationes eorū: nec eos apud tribunal illud. L. Cras-  
sus defendit: aut. M. Antonius: aut istis eloquentior: Tullius: quomā  
omnis tunc seculi lingua obmutescet: et sola erit in rusticulis suis fa-  
cunda iustitia. Dum tempus ergo habemus seminemus in spiritu: vt  
messē in spiritualibus colligamus: nec attendam<sup>9</sup> ad paleas: quas  
ventilabrum xp̄i continuo separabit a tritico: donec qui venturus est  
veniat et iuxta prophete vaticiniū discernatur inter iustum et impiū  
et inter seruientem deo et nō seruientem: sicut dominus dicit: Ecce qui  
seruiunt mihi letabuntur: vos autem contristabimini. Non nos igitur  
merces vindicte dies et retributionis inueniat: qui imminens ac vici-  
nus esse et seculi ruinis vndiq<sup>3</sup> concurrentibus: et hominum flagitijs  
et sceleribus passim publice impuneq<sup>3</sup> regnantibus et scripturarū con-  
testatione probatur. Consideremus q<sup>3</sup> in hac terra hospites sumus: et  
peregrinorum more pro diebus nouissimis habitamus: Vos enim de  
hoc mundo non estis: dicitur nobis. Quid ergo in aliena satagimus?  
quid turbamur? Nemo in deteriori et extranea patria plus eligit possi-  
dere q<sup>3</sup> in sua. De his tantū sollicitudinem habere debemus et curam:  
que nobiscum trans ferre possumus. Ambiant terrena gentiles: quib<sup>9</sup>  
celestia nō debentur: Concupiscant presentia qui futura non credunt  
Vobis Christianis diuitie et hereditas sit diuinitas xp̄i: Jesum xp̄m  
dominum nostrum ad celos hodie ascendentem honoremus obsequi-  
is: operibus colamus: sermone semper et cogitatione faciamur: vt in  
aduentu eius non cum contumacibus et contemptoribus puniamur:  
sed cum sanctis et deum timentibus coronemur.

Sed iam ad te. Pater De. mea conuertatur oratio: Debet profecto  
sanctitas tua tanto maiori gaudio: tantēque summa alacritate affici  
de xp̄i triumphantis (cuius vices geris in terris) ad celos glorioso ascen-  
su: quanto preeminentia ac dignitate cunctos superas mortales. Sed  
vereo: vt hoc tūm incredibile gaudium incomparabilisq<sup>3</sup> letitia cū  
magno animi timore: inextimabili cordis anxietate sint admira: cū  
angelis annuntiantibus hodierna die audias: xp̄m ad extremū iudi-



clum fore venturum: utpote rationem de omnib⁹ que in hac vita ho-  
mines gesserunt exactissimā petiturum. Suscepisti namq; culmen pa-  
storis fastigij: locum summi sacerdotij: vicariatū xpī: te xp̄s non  
vni tantum ecclesie: sed vniuersis: non in parte sed in plenitudine pre-  
esse voluit. Dedit te deus in lucem gentium: ut sis earū salus vsq; ad  
extremū terre. Vocauit te deus in hunc excelsū locū: ut lucernā  
operum tuorum homines viderent ⁊ glorificarent patrem qui in ce-  
lis est. Quamobrem probe ille sanctissimus predecessor tuus Grego-  
sollicite considerare admonet: ne qui plus ceteris in hoc mundo ali-  
quid accepisse cernitur ab auctore mundi grauius inde iudicetur. Cū  
enim augentur dona consequens est ut rōnes etiam crescant donorū.  
Tanto ergo esse humilior: atq; ad seruendū deo promptior quisq; de-  
bet et munere quanto obligatio: eū se esse conspicit in reddenda ra-  
tione. Magnū quippe est de factis coram iudice rationem reddere:  
maius tamen nō modo de factis: ver etiam de cogitatis satis facere.  
Difficile est de omnibus actibus ⁊ cogitationibus proprijs: sed diffi-  
cilius de aliorum etiam factis respondere. Admirabile est in temporali-  
bus solum: mirabilius tamen in temporalibus spiritualibusq; opti-  
me prouidere. Sanctus coram iudice reputabitur qui recte ac salubri-  
ter suam ecclesiam regit: sed ille sanctissimus ac beatissimus qui vni-  
uersali Romane ecclesie (que sub se continet ceteras omnes) optime  
presunt ⁊ profuit. Considera igitur qd ⁊ si humana nunc iudicia sub-  
ter fugere possis: cum iudicem in terris nō habeas nec in hac vita ali-  
quis sit (paucis exceptis casibus) qui tibi dicere possit cur ita facias.  
Adrianus tamen illius sup̄emi equissimq; iudicis: qui tibi vniuersa-  
lem ecclesiam vnicam sponsam suam cōmisit) euadere minime pote-  
ris: quoniam de thesauro suo (cuius dispensator existis) qualiter il-  
lum quibusue dispensaueris rationem strictissimā vsq; ad vltimum  
quadrantem reddere debes. Cura ergo ut in illa retributionis die di-  
cere xp̄o in veritate possis: Quos dedisti mihi non pdidi ex eis quēq;  
Et si fieri possit (poteris quidē si vis) dicere audeas: Domine quinq;  
talenta tradidisti mihi ecce alia quinq; superlucratus sum. Ut audi-  
re merearis quod sequitur: Euge serue bone ⁊ fidelis intra in gaudiū  
domini tui. Quod haud difficulter conficies cum immortalī tui no-  
minis gloria: si vitam tuorum subditorum ecclesiasticorum maxime  
(que probo doleo in profundum iam pene peruenit malorum) refo-  
mandam esse preceperis: si oues xpī non mercenarijs: sed veris pasto-  
ribus cōmiseris: si particularibus ecclesijs tue cure cōmissis dignos ac  
probatos viros preseceris: si beneficia ⁊ ecclesiasticas dignitates do-  
ctis ac benemeritis viris distribueris: si (ut est tui ppositi) xp̄iane pa-  
ci q̄maxime consulueris: si dissidentes inter se principes ac populos

auctoritate tua composueris: tua prudentia: ad unitatem concordie  
 amq; redegeris. Habes iam profecto Cesarem clementissimū: franco  
 rum regem xpianissimū: Hispaniq; regem semper inuictissimū: tan  
 to federe concordēs: tantaq; charitate coniunctos: ut hi tres vnus  
 sint. Eadem namq; eis est mens. idem animus. idemq; propositum:  
 te. s. auctore & duce vitam suam imprimis suorumq; subditorum re  
 formare: deinde barbaricos hostes comprimere: eorumq; scuitiam a  
 xpianorum cernicibus amouere. Quod cum ita sit facile sanctitati  
 tuam posse reliquos Christianorum principes & potentatus ad huius  
 concordiam institutumq; trahere nō dubitamus. Nam quid est quod  
 non speremus virtute & prudentia tua posse institui: magnitudine cō  
 fici: constantia vigilantiaq; obtineri? Quis non iussionibus tuis ob  
 sequitur? Quis imperia tua recuset? Certatim omnes contendunt: vt  
 q; maxime dictis ac monitis tuis obtemperare conent. Quoniā est ti  
 bi a deo optimo rerum omnium tributa potestas. Allicutusq; es vt  
 quantum antea ecclesie vniuersali prodesse desiderabas: tantū & nūc  
 possis. voluntati potestas accessit & desiderio tuo exequendi facultas  
 est associata. Tui ergo muneris est: cum his quos supra nominauit  
 Turcū & Soldanū feras inamissimas reliquosq; christiane re  
 ligionis hostes: procul ab oculi domini arcere: eorumq; vanas sup  
 stitiones penitus euertere. Nam ad hanc rem peragendam hic Iesū  
 qui hodie assumptus est in celum vobiscum adiutor aduenire: qui cū  
 patre & spū sancto viuit in secula seculorum Amen.

